

鄧廣銘編撰

辛稼軒先生年譜

商務印書館發行

卷之二

卓爾軒先生年譜

清 卓爾軒先生年譜

鄧廣銘編撰

辛稼軒先生年譜

商務印書館發行

中華民國三十六年十二月初版

◆(90258)

辛稼軒先生年譜一冊

定價國幣叁元伍角

印刷地點外另加運費

編撰者 鄧 廣 銘

發行人 朱 經 農
上海河南中路

印刷所 商務印書館

發行所 商務印書館
各地

* 版 翻 *
* 所 必 印 *
* 有 究 *

建

編例

(一)稼軒辛氏事蹟，因其文集之失傳，半已湮沒不彰。宋史本傳及筆記雜談中之記事，或多譌誤，或失枝節。是譜搜考所及，凡現尙可徵之南宋一代重要文獻：史籍、文集、方志、筆乘之屬，均旁蒐博采，以資參證發明。不分主輔，唯是爲從。

(二)是譜對材料之收輯，以細大不捐爲原則，披覽所及，其中凡有涉及辛氏之單詞隻字，均加以鉤稽而分別甄錄，期能集枝節爲輪廓，積破碎爲整體，辛氏行實之一般，庶可概見。

(三)是譜雖分年隸事，然亦兼用紀事本末之體。如平定茶寇及翔置湖南飛虎軍諸事，或由辛氏定其局，或由辛氏經其始，其事之原委若不著明，則辛氏在此諸事件中之重要性無由概見。凡此等類，均於譜中原始要終，綜貫敘述，不以辛氏參與其事之時間爲斷限。

(四)是譜與稼軒詞編年箋證一書，互爲表裏，詳於彼者略於此，詳於此者略於彼。其一時所與交遊諸人，凡有交遊之跡可考而爲詞集所不見者，則於譜中著其事並間及其人行誼大略。餘如王佐之平湖南柳寇及湯邦彥因使金辱命被貶等，似與先生無涉而亦於譜中詳爲著錄者，均所以爲詞集編年之地，非敢喧賓奪主，橫生無謂之枝節也。

(五)凡所徵引之文字，均低格排比於各條目之下，其排列次第，唯本因事繫文之例，不盡以各書著作先後爲序。所引亦不盡錄全文，但亦僅有刪節，未敢增竄。

(六)凡徵引之文字，其意義須加引申，其前後須加貫串，或彼此牴牾難合，須以己意加以考證論斷者，均附加案語於其下，較徵引文字降低一格，庶舊說新證不至混淆也。

(七)稼軒年譜舊已成書者凡有四種：(一)爲辛敬甫（啓泰）所編撰，附刻於稼軒集抄存之卷首；(二)爲梁任公（啓超）所編撰，有中華書局印本；(三)爲陳慈首（思）所編撰，原載東北叢刊第七、八兩

期內，別有遼海叢書之單行本；(四)爲鄭因百(篤)所編撰，僅有稿本，未曾刊布。就中辛譜編刊最早，猶及見濟南及鉛山辛氏二族譜，故對稼軒生卒年月日時均知之甚詳確，然除此之外，其有關稼軒出處大端而爲族譜所未具者，則訛誤百出。後出之梁、陳、鄭三譜，均爲補正辛譜之闕失而作，然其結果則不唯辛譜之錯誤未得是正，反以滋異說之紛紜，蓋作者均勇於臆測，疏於尋證，勢固不得不爾也。是譜間有引及辛譜梁譜之處，陳譜鄭譜則一未引用。對各譜誤謬處所亦一概不加糾駁，以糾之不可勝糾，浪費筆墨爲可惜耳。

(八)有關辛氏出處大節之問題，亦尙有文獻不足徵者。如其首次主管冲佑觀一事，亦可藉覘朝堂對辛氏之態度，而其事在何年，卽無明文可據。是譜對此類問題，亦僅能藉迂迴之考求而懸一近實之推論，稿證則尙有待於發現，而所期待於濟南及鉛山辛氏二族譜者爲尤多，然世變屢經，存亡莫卜，固亦嘗輟轉求之，而終於求之未得也。

民國二十七年夏，於北平西北城寓廬。

辛稼軒先生年譜

世系

始祖維叶大理評事，——高祖師古儒林郎。——曾祖寂賓州司戶——祖贊朝散大夫，——父文郁贈中散大

龍西郡開國男，亳州臨縣令，知開封府，贈朝請大夫。

案：右表見辛啓泰編先生年譜，據譜後自記，乃本譜濟南辛氏族譜者，當無可疑。五世之中，唯先生祖父辛贊仕宦較顯，而履查濟南開封及亳州等志，其人物、選舉、職官各志中，均不著其名氏。其他諸人更無可考。先生進美芹十論劄子中謂：『大父臣贊、嘗令臣兩隨計吏抵燕山，諦觀形勢，謀未及遂，大父臣贊下世。粵辛已歲，逆亮南寇。』是則先生祖父之去世蓋前於辛已之歲不久。先生於劄子及其他作品中，從未道及其父，疑已早卒。至先生有無兄弟，則舊譜不著，作品中亦無可考見。凡此均須待濟南辛氏族譜之發現而決，今則唯有

先生姓辛，名棄疾，原字坦夫，後改字幼安，濟南歷城人。

宋史卷四百〇一，先生本傳：『辛棄疾，字幼安，齊之歷城人。』

陶字畫齋鉛刀編卷三十，有詩題云：『辛棄疾始字坦夫，後易曰幼安，作詞以祝之。』

大父名贊，嘗宋室南渡時，累於族衆，未能脫身，遂仕於金，先生因亦生於金地。

進美芹十論劄子云：『臣之家世，受於濟南，代膺闈寄，荷國厚恩。大父臣贊以族衆拙於脫身，被汗虜官，留京師，歷宿亳，涉沂海，非其志也。』

幼受學於亳州劉崑老（瞻），與党懷英同學，號辛党。

元好問編中州集卷三，承旨党公小傳：「公諱懷英，字世傑，少穎悟，日授千餘言。師身社劉崑老，濟南辛幼安其同舍生也。」

同書卷二，劉內翰瞻小傳：「瞻字岳老，亳州人。天德三年南勝登科，大定初召爲史館編修，卒官。党承旨世傑、颯著作元與、魏內翰龍圖、皆嘗從之學。崑老自號櫻寧居士，有集行於世。作詩工於野逸，如「廚香炊豆角，井泉落棉花」之類爲多。」

劉祁歸潛志卷八：「党承旨懷英、辛尙書黨疾，俱山東人，少同舍。」

案：宋史先生本傳謂先生「少師蔡伯堅，與党懷英同學，號辛党。」未知所本。查金史蔡松年字伯堅，若此蔡伯堅果即松年，宋史不應以字相稱，想亦得之傳聞而未加深考也。元遠山中州集以詩存史，時代亦去先生最近，其說自最爲可據，茲從以著錄，故出諸說則疑以存疑可矣。

餘參紹興十九年中案語。

乘奉祖訓。志切國讎，嘗兩隨計吏抵燕山，諦觀形勢。

進美芹十論劄子：「大父臣贊，：每退食，輒引臣輩登高望遠，指畫山河，思投壘而起，以鄙君父所不共戴天之憤。嘗令臣兩隨計吏抵燕山，諦觀形勢。謀未及遂，大父臣贊下世。」

因得深曉敵國形勢及兵家利害。

朱子語類卷一百一十，論兵：「辛黨疾頗諳曉兵事。」

程秘洛水集丙子輪對劄子二：「辛黨疾嘗爲臣言，：……黨疾之遺謀也，必均之以旁證，使不得而欺。如已至幽燕矣，又令至中山，至濟南。中山之爲州也，或背水，或負山，官宰辭屬位置之方，左右之所歸，當悉數之。其往濟南也亦然。」又曰：「北方之地，皆黨疾少年所經行者，彼皆不得而欺也。」

甫屆成年，卽乘機舉義，率衆南歸。

甫屆成年，卽乘機舉義，率衆南歸。

宋史本傳：「始筮仕，決以著，懷英過坎，因留事金；黨疾得離，遂決意南歸。金主亮死，中原豪傑並起，耿京聚兵山東，稱天平節度使，……黨疾爲掌書記，卽勸京決策南向。……紹興三十二年，京令黨疾率衆歸宋，高宗勞師越康，召見，嘉納之，授承務郎，

改差江陰倉判。
癸疾時年二十三。

案：謝枋得祭辛稼軒先生墓誌有云：『公初卜，得離卦，乃南方丙丁火，以鎮南也，後之誣公者欺天亦甚哉。』對卜而得離之解釋雖不同，然藉此數語足證明策仕之說為確有其事。然先生幼業家教，即刻刻以復讎為念，則其舉義南歸斷非待偶然之卦爻而決者，謂以此而促成其事則可，若謂其事全繫於此則未免厚誣先生矣。

南歸後方納室范氏，為范邦彥（子美）之女，如山（南伯）之女弟。邦彥父子亦紹興辛巳歲相偕南下歸正者。

劉宰漫齋文集卷三十四，故公安范大夫及夫人張氏行述：『公諱如山，字南伯，邢台人。父諱邦彥，宣政間入太學。其後陷虜，念惟仕可以行志，乃舉進士。以蔡近邊，求為新息令。歲辛巳，率豪傑開蔡城以迎王師，因盡室而南。女弟歸稼軒先生辛公棄疾。辛與公皆中州之家，相得甚。』

李懋陵陽集卷十五，書范雷卿家語：『范君雷卿以學事至嘗，示余以其家世本末。蓋范自唐以來為邢之著姓。所居與山范解村，環十里皆諸族。四世祖通守，號河朔孟嘗。為蔡州之新息縣，紹興辛巳十月以其縣來歸。乃僅添差湖州長興丞。改簽書鎮江軍節度使判官廳事。召赴都堂審察，添差通判本府，以壽終於官。公與辛公棄疾先後來歸，忠義相知，辛公遂壻於公。公嘗審時，陳公俊卿王公炎皆知公，而公老矣，不果用，實志以歿。』

案：據辛氏文，知先生於南歸後方婚娶，唯確在何年則無可考。宋制，都堂審察例由宰輔任其事，王炎陳俊卿之同在朝堂，始於乾道五年，至六年五月，陳俊卿即出知福州。藉知范邦彥之召赴都堂審察必亦在此期內。審察而改官，未滿而卒於任所，則范氏之卒年應在乾道六七兩年內，是知先生之婚期，至遲亦當在此二年之前也。

子九人：稹、秬、秠、穉、穉、稔、秭、稔、穉、穉、穉。穉早殤。

參譜後所附先生後裔表。

女子之可考者二人：一適范黃中（炎），一適陳汝玉（成父）。

詩人玉屑卷一，趙章泉題品三聯：『隔林彷彿開機杼，知有人家住翠微。片片梅花隨雨脫，漚漚香雪墮林梢。三年受用唯栽竹，一日工夫半為梅。淵明不可得見矣，得見菊花斯可爾。前十四字或以為坡語，或以為參寥子十四字師範。余亦以後六句為口遺章少。』

隱、王夢、敬應求、范炎黃中十
四字師號，范乃稼軒增也。」

半嶺陽陽集卷十六，跋范令君晉陵時詩十九首：「晉陵范令君閒靜翁十九詩，余從其
孫月觀提舉獲觀之。令君出為招參，稼軒辛公增也。長臥撫劍之歎，實有婦翁風概。」

半嶺陽陽集卷十五，題范氏文官花：「邢璽范氏文官花，粉碧緋紫見於一日之間。……辛稼軒嘗為賦
水龍吟，「白髮儒冠誤，」蓋屬滄溪令君。……休寧令君，滄溪孫而稼軒外諸孫，刻其詞置化右。」

至順鎮江志人物志：「范炎字黃中，如山子，以恩授新淦主簿，德安司理，改授通直郎，知晉陵縣，治績上最。西山真德秀
帥湖南，辟主管文字，年四十，以母老棄官歸養，特聘朝散郎，提舉華州雲臺觀，號閒靜先生，卒於家，有詩集行世。」

萬姓統譜卷十八：「陳綾，聞其才名，羅致賓席而妻以女。」

案：據上引諸文，知先生至少當有二女子，一適范炎，即先生妻兒范南伯之子；
一適在閩籍賓陳成父。唯其孰為長，孰為次，抑更有他女與否，則概不可考矣。

侍妾之可考者六人，曰整整，曰錢錢，曰田田，曰香香，曰卿卿，曰飛卿。

周輝清波別志卷下：「稼軒：……在上饒，屬其室病，呼醫對脈。吹笛婢名整整者侍
側，乃指以謂醫曰：「老妻病安，以此人為贈。」不數日，果勿藥，乃踐前約。」

陶宗儀書史會要卷六：「田田、錢錢，辛寒疾二妾也。
皆因其姓而名之。皆善筆札，常代稟疾答尺牘。」

詞集臨江仙題云：「侍者阿
錢將行，賦錢字以贈之。」

詞集鷓鴣天（困不成眠奈夜何）有句云：
「嬌癡卻妒香香睡，喚起醒鬆誤夢些。」

詞集「題阿卿影像」之西江月有云：
「有時醉裏喚卿卿，卻被旁人笑問：」

詞集滿江紅（莫折荼蘼）四卷本甲集題云：「稼軒
居士花下與鄭使君惜別，醉賦。侍者飛卿奉命書。」

南歸之初，寓居何地，今無可考，或隨官職轉徙而不常厥居也。淳熙間，卜築上饒城北靈山外之帶湖，
以稼名軒，自號稼軒居士，有躬耕於是之意。

上饒縣志卷二十三，寓賢：「辛幼安：淳熙間卜築邑城北靈山外之帶湖」。

洪邁稼軒記：「國家行在武林，廣信最密邏畿輔：：郡治之北可十里所，故有曠土，三面附城，前枕澄湖如寶帶，：辛侯幼安最後至，一旦獨得之，：：意他日釋位得歸，必躬耕於是，故懇高作屋下臨之，是爲稼軒」。

宋史本傳：「嘗謂人生在勤，當以力田爲先，故以稼名軒」。

後被燬於火，移居鉛山縣期思波瓜山之下，後遂世爲鉛山人焉。

廣信府志卷九，人物志：「辛棄疾，字幼安，號稼軒，：：後愛鉛山期思渡之勝，因家焉」。

辛啓泰編先生年譜：「慶元二年，：：所居燬於火，徙居鉛山縣期思市瓜山之下。有期思卜築詞」。

先生體碩而胖。

蘧齋鉛刀編卷三十：辛棄疾始字坦夫，後易曰幼安，作詞以祝之，其詞云：「音不中律，行不適實，唯德之疾。以今之學，思古之作，唯疾之藥。凡吾之歡，攻不遺力；追其去矣，吾庸自頌。癩囊未亡，正氣以殘；小過不作，大德可完。中無所愧，其體則胖。祝子無止，豈惟幼安」。

目光有稜，背胛有負。

陳亮龍川文集卷十，辛稼軒畫像贊：「眼光有稜，足以照映一世之豪。背胛有負，足以荷載四國之重」。

肅然其容，毅然其色。

虞信府志載明浦源忠敏稼軒像贊：「勃然其氣，若縛張邵而奮英勇也；肅然其容，若騰宋主而陳九諱也；毅然其色，若平江寇而深謀決策也；惘然其意，若江西救荒而立法通變也」。

紅頰青眼，迄至晚年，精神猶壯健如虎。

劉過龍洲集卷八，呈稼軒詩：『精神此老健於虎，紅顏白鬚雙眼青。未可飄泉便歸去，要將九鼎重朝廷。』。

而又才兼文武，調度高放。

崔敦禮宮教集卷六，代歐子文作滁州奠枕樓記：『侯有文武材，偉人也。嘗官朝。名棄疾，幼字其字云。』。

羅願鄂州小集卷一，送辛殿撰自江西提刑移京西漕詩：『英風雜文武，公獨可肩差。』。

朱文公大全集卷八十五，答辛幼安啓：『伏維某官卓犖奇材，疏通遠識。經綸事業，有股肱王室之心；游戲文章，亦膾炙士林之口。』。

韓滉潤泉日記中：『辛棄疾字幼安，有機數，調度高放，詞語灑落，俗傳所謂稼軒長短句是也。』。

精察明快，智略無前。謀猷經遠，任重有餘。

攻媿集福建提刑辛棄疾除太府驛制：『養適在之氣，日趨于平；晦精察之明，務歸于想。』。

衛溼後樂集辛棄疾充兩浙東路安撫使制：『某官謀猷經遠，智略無前。……其才任重有餘，蓋一旦緩急之可賴。』。

平生以氣節自負，功業自許。

稼軒詞甲集范開序：『公一世之豪，以氣節自負，以功業自許，方將翫藏其用以事清曠，果何意於歌詞哉，直陶寫之具耳。』。

徐元杰模塋集卷十一，稼軒辛公贊：『廢空氣節，貫日忠誠，紳綬動色，草木知名。』。

宋史本傳：『棄疾豪爽，尙氣節，識拔英俊。』。

素少許可之理學宗師及其門徒，亦莫不深相推重。

朱文公大全集卷六十，答杜叔高書：「辛文相會，想極款曲，今日如此人物，豈易可得。」
黃幹勉齋集卷四，與辛稼軒侍郎書：「恭維明公以果毅之資，剛大之氣，真一世之雄也。」

同書卷十一，與金陵制使李夢聞書：「嘗觀近日出而圖回國事，其能自有所爲者莫若辛幼安；不能自爲而資人以有爲者，莫若吳德夫。辛幼安之才世不常有，如吳德夫者常人可學而能之也。」

然而讒擯銷沮，南歸四十餘年間，強半皆廢棄不爲時用，用亦不得盡其才，遂乃自詭林泉，藉歌詞爲陶寫之具。而世亦竟以詞人稱焉。

勉齋集與辛稼軒侍郎書：「恭維明公，真一世之雄也，而抑遏權伏，不使專以盡其才，一旦有警，拔起於山谷之間，而委之以方面之寄，明公不以久閒爲念，不以家事爲懷，單車就道，風采凜然，已足以折衝於千里之外。」
劉後村大全集卷九十八，辛稼軒集序：「烏肆，以孝皇之神武，及公盛壯之時，行其說而盡其才，縱未封狼居胥，豈遂置中原於度外哉。機會一差，至於開禧，則向之文武名臣欲盡而公亦老矣。余讀其書而深悲焉。」

劉辰翁須溪集卷六，辛稼軒詞序：「稼軒胸中今古，止用資爲詞，非不能詩，不事此耳。斯人北來，嗚呼驚悍，欲何爲者，而讒沮銷沮，白髮橫生，亦如劉越石，陷絕失望，花時中酒，託之陶寫，淋漓慷慨，此意何可復道；而政者以沈淫光景心業之終恨之，豈可向癡人說夢哉。爲我楚舞，吾爲君楚歌，英雄感憤，有在常情之外，其難言者未必區區婦人孺子間也。世儒不知哀樂，善刺人，及其自爲，乃與陳若山等，嗟哉偉然，二丈夫無異。」

詞苑萃編卷五，載梨莊語云：「辛稼軒當弱宋末造，負管樂之才，不能盡展其用，一腔忠憤，無處發洩，觀其與陳同父抵掌談論，是何等人物，故其悲歌慷慨，抑鬱無聊之氣，一寄之於其詞，今欲與搔首傳粉者比，是豈知稼軒者。」

先生於詞家別開生面：悲壯激烈，發揚奮騰，本色自見，不主故常，橫絕六合，掃空萬古，而又胸貯萬卷，融會如神，蓋自有詞家以來所未有也。

宋史本傳：「葉奕雅善長短句，悲壯激烈。有稼軒集行世。」

稼軒詞甲集范開序：「世言稼軒居士辛公之詞似東坡，其詞之爲體，如張樂洞庭之野，無首無尾，不主故常；又如春雲淨空，卷舒起滅，隨所變態，無非可觀。無他，意不在於作詞，而其氣之所充蓄之所發，詞自不能不爾也。」
詞苑萃編卷二，旨趣，載顧宋梅語：「南渡以後名家，長詞極意瑣瑣，小調不能不斂手，以其工出意外，無可著力也。稼軒本色自見，亦足賞心。」

詞苑叢談卷一，體製，代以江（謙）語；「稼軒詞以激揚奮厲為主，至一寶斂分，桃葉渡一曲，則流柔，魂銷意盡，才人伎倆，真不可測。」

同書卷四，品藻，載彭彥門語：「稼軒詞，胸有萬卷，筆無點塵，激昂排宕，不可一世。今人未有稼軒一字，輒紛紛為異同之論，宋玉罪人，可勝三歎。」

同書同卷載徐鉉案語云：「詞至稼軒，同書百家，行間筆下，駢斥如意。」

後村集辛稼軒集序：「世之知公者，誦其詩詞，而以前輩謂有井水處皆唱柳詞，余謂書牖直留連光景歌詠太平，公所為（原誤作無），大聲鞞鞞，小聲鏗鏘，橫絕六合，掃空萬古，自有蒼生以來所無（無字原脫）。其穉纖綿密者亦不在小晏樂郎之下。余幼哲成。」

論之。

文章議論則英偉礪落，智略輻湊。

劉後村辛稼軒集序：「建炎省方，董淮而守，其間北方驍勇自拔而歸，如李侯顯忠，魏侯勝，士大夫如王公仲衡，辛公幼安，皆著節本朝，為名卿將。辛公文墨議論，尤英偉礪落，乾道紹熙奏篇及所進美芹十論。上虞雍公九議，筆勢浩蕩，智略輻湊，有權書衡風。」

書法亦飛動奇絕。蓋均足表見其為人；

乾隆鉛山縣志卷十，藝文志，費元祿遊章嚴記：「少門之東，諸峯巖壑而起，皆石山也。視之多宋名賢碑碣，詩賦記銘之類，不可數記，願苦辭剝蝕不可諱，獨辛稼軒劉子羽二碣稍可摩耳。而字楷奇絕，筆勢飛動。」

惜年遠散沒，今則多已無可考見云。

案：先生作品之傳於現在者，唯詞集較完好，凡存詞六百二十餘闕。詩集文集則亡佚已久，今散見於永樂大典殘卷，與歷代名臣奏議及稼軒集抄存中者，計奏議雜文各數篇，詩百餘首而已。

宋高宗（趙構）紹興十年

庚申（西曆一一四〇年）

金熙宗（完顏亶）天眷三年

五月十一日卯時先生生於山東歷城之四風閣。

辛啓泰編稼軒先生年譜：『先生生於是年五月十一日卯時。按先生歸宋時年二十三，爲紹興之三十二年，則生年爲紹興十年庚申。又按先生甲辰壽韓南澗詞，有「對桐陰滿庭清晝」之語，其爲夏月審矣。先生生日與南澗相去祇一日，見於生日次前韻和南澗詞自註。』

韓玉東浦詞水調歌頭題爲「上辛幼安生日」，起句云「重午日過六，靈岳再生申」。

案：辛譜所著先生誕生之年月日時，於譜後自行申明其所本爲鉛山辛氏族譜，當無可疑。據韓玉詞「重午日過六」一語推之，亦正相合也。

田雯古歡堂詩集卷三，濟南分題十六首，其九題云：『四風閣訪稼軒舊居』，全詩云：『藥欄圍竹嶼，石泉逗山脚，風流不可攀，誰結一丘壑。斜陽句柳莊，長歌自深酌。』原註：『稼軒有一丘一壑詞。句柳村名。』

道光濟南府志卷七十一：『稼軒故居在歷城之四風閣。』

先生交游中年歲之可考者：

虞彬甫（允文）三十一歲 王質雪山集卷五，樞密宣撫相公樂府序：『維大觀四年十一月戊子，二日丙寅，實生仁壽庚公子蜀。』參楊萬里誠齋集卷一百二十，虞氏神道碑。

李壽翁（椿）年三十歲（見朱子大全集卷九十四，李氏墓誌銘）。

王公明（炎）二十九歲（參本譜淳熙五年記事）。

李仁甫（燾）二十六歲（見宋史卷三八八李氏傳）。

傅安道（自得）二十五歲（見朱子大全集卷九十八傅氏行狀）。

洪景伯（适）二十四歲（見盤洲文集附洪氏行狀碑銘）。

韓无咎（元吉）二十三歲（見南澗甲乙稿卷十
四易繫辭解序）。

吳亨會（交如）二十三歲（見京口耆舊傳
卷二吳氏傳）。

王正之（正己）二十二歲（見樓鑰攻媿集卷九
十九王氏墓誌銘）。

趙德莊（彥端）二十歲（見南澗甲乙稿卷二
十一趙氏墓誌銘）。

葉夢錫（衡）十九歲（參本諸淳熙
十年記事）。

洪景盧（邁）十八歲（見錢大昕洪
文敏公年譜）。

施聖與（師喟）十七歲（見葉適水心文集卷二
十四施氏墓誌銘）。

陸務觀（游）十六歲（見錢大昕陸
放翁年譜）。

盧國華（彥德）十六歲

案：姜特立梅山續稿卷五述歲禮詩序云：『國華郎中與余同門同里，又同甲子，忽聞釋省戶清班，以七閩館躡過故鄉，小詩送行，並寄老懷。』詩云：『昔忝二三子，今俱七十翁。』又，卷十七有詩題云：『文文公洛中會四同甲，皆丙午七十八，余乙巳，與丙午相屬，歲數偶同，戲作。』據此二詩，知國華於紹熙四年赴闕，當時年正七十，蓋生於宣和七年乙巳。

周子充（必大）十五歲（見攻媿集卷九十三忠文耆德之
碑及周益公文集附錄年譜）。

范致能（成大）十五歲（見周必大平園續稿卷
二十二范氏神道碑）。

王宣子（佐）十五歲（見陸游渭南文集卷三十四王氏墓誌銘）。

王季海（淮）十五歲（見攻媿集卷八十七王氏行狀）。

趙民則（像之）十三歲（見誠齋集卷一一九趙氏行狀）。

陳安行（居仁）十二歲（見攻媿集八十九陳氏行狀）。

朱晦菴（熹）十一歲（見王懋竑朱子年譜）。

范南伯（如山）十一歲（見劉宰漫塘文集卷三十四范氏行述）。

趙兼善（達夫）七歲（見袁燾繫齋集卷十八趙氏墓誌銘）。

張敬夫（栻）八歲（見朱子大全集卷八十九張氏神道碑）。

湯朝美（邦彥）七歲（參本譜淳熙十四年記事）。

党世傑（懷英）七歲（見金史卷二二五党氏傳）。

丘宗卿（密）六歲（見宋宰輔編年錄）。

曹國明（盅）六歲（見攻媿集卷一百六曹氏墓誌銘）。

周信道（孚）六歲（參本譜淳熙四年記事）。